

## *Gestrickte Strimp !*

*Gestrickte Strimp  
un wollne Sockn  
will niemand meh,  
kenne net lockn*

*Des wär ze alt  
un aa ieberhult.  
Su eine Walt-  
des wird net beluhnt!*

*Was zieht ihr a?  
Su freg iech bluß  
eb Maa oder Fraa,  
eb kla oder gruß.*

*Mode muß sei  
aus Polycryl,  
Wärm braucht net sei,  
su zeicht mr abn Stil.*

*Doch nort giehts lus:  
de Fieß riegn wie Kaas,  
wos is des nár bluß?  
Do leeft fei dr Schwaaß!*

*von Dagmar Meyer*

*Was sog iech eich  
Leit , werd nár gescheit!  
Wachslt de Strimp  
am besten noch heit!*

*Aus guter Woll  
leßt Sockn strickn,  
von Schof sein Fall,  
do tut nicht drickn.*

*Ach, tut des gut  
die Strimp an de Fieß!  
Nu hats ka Nut  
des is fei gewiß*

*Is warn gestrickt  
wieder wollne Sockn,  
mr ka de Leit fei wieder lockn.*

*De Kinner sogn:  
Mutter, strick Strimp  
die mir vortrogn  
bis nauf zu de Rümpf!*

*Des is schu gut un is aa gesund  
nischit wird meh rut  
mor left siech net wund!*

### **FAHRDIENST**

*Wer am 07.02.2019 zur Fosnd und auch wieder  
heim gefahren werden will, der möchte bitte anrufen:*

***Rainer Tittel, Tel.: 2740***

***Sollte der Fahrdiensthabende nicht gleich erreichbar sein,  
dann bitte öfter anrufen – ruhig auch schon ein oder zwei Tage vorher !!!***



Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
167

Mitteilungsblatt des  
Erzgebirgischen Heimatvereines  
Eibenstock e.V.

Februar  
2019



*Is Unner Erzgebirg net schie ?*

## Was mach mr dä zweetausndunneinzn?



Dr erschte Hutznobnd muß ja nu wagn den viel Schnee ausfalln, do bleibn uns itze noch 11 Obnde, wu mr wieder ewos schiens unnername wolln.

Ne erschte Vürplanung hat unner Vorstand in seiner erschtn Sizing im neie Gahr schu emol vorsucht.

E paar feste Sachn sei halt wie jeds Gahr, des is nu mol su: Do is unner Fosndobnd, e Grillobnd, e „Ausritt“ mit de Pfaarle, ne Busraas, is Bastln mit unnerer Annita suwiesu un schließlich ne zünftsche Weihnachtsfeier drbei. Un e leberaschungs-gast-Obnd muss doch aa sei, oder? Do sei schu emol e paar Dinger vu unnern monatlichn Zamkimftn dor-



ledicht. Un wos ansinstn noch sei wird? Vielleicht aa wieder e Spieleobnd, do giehts doch immer wieder lustich zu wie annodozemol ze Kinnerzeitn, wu siech jeder doch gern drinnern werd!



## Wir gratulieren unseren Heimatfreunden


Ursula Baumann	am 18.02.	zum 65. Geburtstag
Barbara Bochmann	am 20.02.	zum 61. Geburtstag



*Man soll dem Leib  
etwas Gutes bieten,  
damit die Seele Lust hat,  
darin zu wohnen.  
(Winston Churchill)*

## De Vereíns - Fosnd 2019

*allezam ageputzt oder  
zewenichstns e Hütl!  
am Donnerstag,  
07.02.2019, 18.00 Uhr  
im Vereinshaus*



*...un bein nächstn Mol is  
wieder Hutznobnd,  
an Donnerstag, ne 7. März 2019,  
- wie immer, 18.00 Uhr -  
im Vereinshaus  
was mr do machen,  
drfahrt ihr im nächstn Blattl*

## Dr Weihnachtsberg in unnern Eimstock

Na, wer wass dä des noch? Wer kaa siech noch do dra drinnern? Iech war dozemool – un des is fei schu ewich lang har- grad emol 6 Gahr alt. Do hat miech mei Mutter mit nunner nei ne Erzhus genumme. Dort war die wunnerbare Weihnachtsbergausstellung von Walter Arnold aus Bernsbach ze sah. Ieber 6 Meter breit war dar Barg, do warn aller-



hand Figurn ze sah, die siech hie un har oder rund rim beweicht ham. Dr MDR hat in dr vorgangene Weihnachtszeit ne schiene Reportach ieber de Erbauer un ihre Weihnachtsberg ausgestrahlt.



Des war sehr intressant und mr kunn aa drkenne, wie dar ganze mechanische Aufbau konstruiert is, allis im Unnergrund unner dr Tischplatt. Ze sah sei heizetog noch solche Wunnerwerke u.a. in Anna-berg, in Crottendorf, in Schneeberg und aa in unern Stickereimuseum.

Dortn gibt's seit vorign Gahr de „Mechanischen Landschaften“. Do sei typische ostdeutsche Landschaftn nochgebild wu sich allerhand drauf beweicht.

Bleibn noch 4 Obnde ieblich, wenn iech miech net vorzählt hob: Ieber die wern mr halt redn, eh mr mit unnerer Fosnd aafange. Do muss ja aa noch dr Revisionsbericht drfolg, den mir im Januar vorpasst ham un e paar Zohln vu dr Kass ieber Einnahme un Ausgobn sei nu aa mol wichtig. Su viel, des mr an de Börs gieh kenne issis nu



net grad, aber immerhin kenne mr gut drmit labn. Aktzien bei uns aalegn gieht aa net, aber for e paar Spendn hättn mir nicht drgegn.


Also, eh mr zr Fosnd ieber genne, haaßts e paar Ideen un Vürschläch for die dann noch vorliebne Heimatobnde eizebrenge, dodrmit siechs aa 2019 for jedn luhnt teilzenamme oder ebber



noch e paar neie Mitglieder for uns ze begeistern. War jemand was, dar siech for uns intressiern könn, aafach mitbrenge!

Auf e schiens neies Vereinsgahr, Glück auf, Eier Schmidti!

## Wenns im Winter schneie tut...



Des hatts aa noch net gabn: unner Hutznobnd is ausgefalln!!! Wagn ne Schnee, dar do net nár vu aaner, sonnern vun mindestns 10 Frau Hollen mit en mol runnergeschüttlt wurm is! Mr denkt gar net, des die do ubn su viel Faderbettin imharstieh ham. Aber esu is des nu mol bei uns im Gebirg, do hatts des Zeich abn hie. Im Sommer hättm ir des Wasser gebraucht un itze kimts halt als weiße Pracht runner. War do dauernd den Schnee ze beraime hat, dar redt bestimmt nimmer vu nr Pracht. Aa wenn dr Wald schie aazesah war, esu viel konntn drwagn e schiens paar Baame net drtrogn un sei of de Stroßn gekippt. Kaas net langsam un eweng owachslnd mit Sonnneschei zwischndurch schneie? Is Watter is halt esu un mr kenne des net ännern. For unnern Wurzlrudi an Adlerfelsn kam dar viele Schnee



gerod racht. Do war jedn Tog e Gewusl am Hang, de Parkplätz un de Stroßn bis zen Markt un sugar aa de kaputte Südstroß nauf voller Autos. Un de Schneeschuhfahrer kunntn gar net genuch kriegn of dare schenn Abfahrt. Naufzu giehts ja heizetog mit ne Lift, do braucht kaaner meh siech wie frieher mitn Naufkraxln ozeplogn! Tja, aber des enn sei Freid issis annern sei Leid! In unnern Amts-


blatt hat unner Bürchermaaster drvu bericht, des allis getaa werd, im de Stroßn vu den weißn Zeich frei ze kriegn. Sicher kaa mr siech ieber manniche Aktiono dodrbei ärchern, wenn sei Auto mit ner Masse eigesaamt werd, aber muss mr siech dä immer nár beschwern un wie manniche gelei total ausrastn? Frieher war des aa



net annersch, do is dr Vorgänger vun Witscher, dr Vogel-Bauer un dr Brandtn-Kurt mit ihre Pfaarle un in Pfluch hintn dra durch de Stadt gezugn, do gabs dieselbn Haifn wie itze. Nár, do warn halt bei weitr noch net esu viel Autos do un de Stroßn fast laar. Un außerdam sei mir frieher alle-



zam bei settn Watter mit naus gange un ham vor unnern Haus in Schnee waggereimt. Wu is nár dr Gemeinschaftsgeist un eweng gute Nachbarschaft mit nern gutn Zamhalt gebliebn?!



Heizetog stenne se vor dr Haustier un raachn ihr Zigrettl un regn siech auf, wenn dr Scheepfluch vor ihrn Auto in Haifn liegn leßt. Is erschte is nu mol, de Stroß frei ze kriegn. Net emol vor dr Haustür kimmt de Schneeschipp zen Eisatz. Des muss ja dr zustandsche Hausdienst oder abn aa de Stadt machen!

Do sollt mr mol driebier noochdenkn un siech ganz naabnbei ieber unnere herrliche arzgebirgsche Winterlandschaft drfreie!

Mit nern ganz harzlichen Winter-Glück-Auf

Eier Schmidt